



Broj:KSI-09-69/23  
Datum: 14.04.2023. godine

Na osnovu člana 25. tačka g) Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta BiH“ broj:04/21) i člana 25. stav (2) Poslovnika o radu Komisije za odlučivanje o sukobu interesa („Službeni glasnik Brčko distrikta BiH“ broj 19/21), Komisija za odlučivanje o sukobu interesa, postupajući po anonimnoj prijavi od 30.03.2023. godine protiv N. K., zastupnika u Skupštini Brčko distrikta Bosne i Hercegovine na 52. sjednici, održanoj dana 14.04.2023. godine, donosi

## **O D L U K U**

Postupak za odlučivanje o sukobu interesa protiv N. K., zastupnika u Skupštini Brčko distrikta Bosne i Hercegovine, kao nosioca javne funkcije neće se pokrenuti, obzirom da iz prikupljenih podataka i dokumentacije ne proizilazi da je u postupanju nosioca javne funkcije došlo do povrede odredaba Zakona o sprečavanju sukoba interesa u institucijama Brčko distrikta BiH.

### **Образложење**

Komisija je dana 30.03.2023. godine pod brojem: KSI-09-69/23 zaprimila anonimnu prijavu protiv N. K., zastupnika u Skupštini Brčko distrikta Bosne i Hercegovine, kao nosioca javne funkcije radi sumnje na postojanje povrede odredaba Zakona o sprečavanju sukoba interesa u institucijama Brčko distrikta Bosne i Hercegovine.

U predmetnoj prijavi se navodi da postoji povreda odredaba Zakona o sprečavanju sukoba interesa u institucijama Brčko distrikta Bosne i Hercegovine na način da je N. K. vlasnik privatne klinike koja posluje sa Brčko distriktom Bosne i Hercegovine a što je u suprotnosti sa odredbama navedenog Zakona.

Na kraju se od Komisije za odlučivanje o sukobu interesa traži da utvrdi sve relevantne činjenice i ukoliko se utvrdi postoje povrede odredaba Zakona o sprečavanju sukoba interesa u institucijama Brčko distrikta Bosne i Hercegovine primjene mjere i eventualno sankcije prema navedenom nosiocu javne funkcije.

Članom 2. tačka c) Zakona o sprečavanju sukoba interesa u institucijama Brčko distrikta BiH propisano je da je nosilac javne funkcije izabrano ili imenovano lice u

organima i institucijama Distrikta, u pravnim licima koje osniva Distrikt kao i u pravnim licima kojima je povjereno vršenje javnih ovlaštenja i lice koje je imenovano, odnosno na čiji izbor i imenovanje saglasnost daje Skupština, odnosno Vlada, ukoliko drugim zakonom nije drugačije propisano.

Komisija je uvidom u Registar javnih funkcija i nosilaca javne funkcije utvrdila da N. K. obavlja funkciju zastupnika u Skupštini Brčko distrikta Bosne i Hercegovine, uvjerenje Centralne izborne komisije, broj: 06-1-07-01-2103-2- 3209/20 od 15.12.2020. godine.

N. K. kao nosilac javne funkcije obavezan je postupati u skladu s odredbama Zakona o sprečavanju sukoba interesa u institucijama Brčko distrikta BiH.

Članom 7. stav (1) Zakona o sprečavanju sukoba interesa u institucijama Brčko distrikta BiH propisano je da nosilac javne funkcije, za vrijeme obavljanja javne funkcije, ne može biti član skupštine, nadzornog odbora, organa upravljanja i rukovođenja, biti u svojstvu lica ovlaštenog za zastupanje, niti imati bilo kakav finansijski interes u obliku plate ili naknade uključujući i pružanje ličnih usluga, u bilo kojem privatnom preduzeću:

- a) kojem su vlasti u BiH davale podsticaje, olakšice, donacije i grantove, uključujući i kreditna sredstva, u iznosu većem od 10.000,00 KM na godišnjem nivou, u periodu od četiri godine prije stupanja na dužnost nosioca javne funkcije;
- b) koje posluje s institucijama i organim koji se finansiraju iz budžeta na bilo kojem nivou u BiH, u iznosu većem od 10.000,00 KM na godišnjem nivou, u periodu od četiri godine prije stupanja na dužnost nosioca javne funkcije.

Uvidom u dokumentaciju dostavljenu od strane Osnovnog suda Brčko distrikta Bosne i Hercegovine broj 096-0-RegZ-22-003387 od 30.11.2022. godine utvrđeno je da je vlasnik, osnivač i lice ovlašteno za zastupanje, a prema aktuelnom rješenju o registraciji, za privatnu praksu [REDACTED]. " A. K., odnosno sin nosioca javne funkcije.

Na osnovu prikupljenih podataka i dokumentacije, Komisija za odlučivanje o sukobu interesa utvrdila je da u postupanju N. K., zastupnika u Skupštini Brčko distrikta Bosne i Hercegovine, kao nosioca javne funkcije, nije došlo do povrede odredaba Zakona o sprečavanju sukoba interesa u institucijama Brčko distrikta BiH.

Naime, kao nespornim je utvrđeno da je N. K., kao zastupnik u Skupštini Brčko distrikta Bosne i Hercegovine nosilac javne funkcije u skladu sa odredbama Zakona o sprečavanju sukoba interesa u institucijama Brčko distrikta Bosne i Hercegovine, odnosno jeste izabrano lica u organima i institucijama distrikta, kao i da se imenovani prema aktuelnom rješenju o registraciji ne vodi kao vlasnik privatne prakse [REDACTED], nego je vlasnik A. K., sin nosioca javne funkcije.

Međutim, u konkretnom slučaju radi se o samostalnom preduzetniku, tj radi se o [REDACTED], čiji je vlasnik A. K.

Slijedom navedenoga, Komisija je donijela odluku kao u dispozitivu odluke.

## **POUKA O PRAVNOM LIJEKU:**

Protiv ove Odluke nije dozvoljena žalba, ali se može pokrenuti upravni spor Osnovnom sudu Brčko distrikta BiH u roku od 30 dana od dana prijema Odluke.

Predsjednik  
Komisije za odlučivanje o sukobu interesa

Admira Mujić, dipl. pravnik

### **Dostaviti:**

1. Anonimnom podnosiocu  
putem oglasne ploče,
2. Internet stranici Komisije,
3. Evidenciji i
4. Arhivi.